

蜂蟻 無毒主卒心痛症忤惡氣置酒中
温服之彌佳也

土蜂 主腫毒醋和為泥傳之亦主
蜘蛛咬土蜂者在地土中作窠者是

春牛角 收置戶上令人宜田

桑根下 搜成泥餅傳風腫上仍灸二三十
壯取熱通瘡中又人中惡風水肉腫一箇差
以土碗灸二百壯當下黃水即差也

胡鷓鴣肉 無毒主風癩癰末以水和傳
之又巢中草主卒溺血燒為灰飲服又主惡

刺瘡及浸淫瘡遠身至心者死亦用之

柱下 無毒主腹痛暴卒者末服方寸七

鐵穴中 取七枚如粒和醋搽狐刺瘡

故才屋上塵 無毒主老嗽取多年煙火者拂

取上塵和石黃款冬花婦人月經衣帶為末
以水和塗于第上待乾內竹筒子中燒一頭
以口吸之入咽喉數數咽之無不差也

圖經衍義本草卷之四

圖經衍義本草卷之五

宋通直郎辨驗藥材寇宗奭編撰
宋大醫助教辨驗藥材許洪校正

玉石部下品

伏龍肝

伏龍肝 味辛微温主婦人崩中吐血止欬逆
止血消癰腫毒氣

圖經曰文具石灰條下

陶隱居云此竈中對釜月下黃土也取擣
篩合胡塗癰甚效以竈有神故號為伏龍

肝并以遷隱其名爾今人又用廣州鹽城
屑以療漏血瘀血亦是近耳之上兼得火

燒之義也

陳藏器云竈中土及四交通土合末以飲

兒辟夜啼

日華子云伏龍肝熱微毒治鼻洪腸風帶
下血崩泄精尿血催生下胞及小兒夜啼

雷公云凡使勿誤用竈下土其伏龍肝是
十年已來竈額內火氣積自結如赤色石

中黃其形貌八稜取得後細研以滑石水

飛過兩遍令乾用熟絹裹却取子時安於
舊額內一伏時重研用

禹錫云按藥性論云伏龍肝單用亦可味
鹹無毒末與醋調塗癰腫

外臺秘要救急治心痛冷熱伏龍肝末煮

水服方寸七若冷以酒服又方治癰腫伏
龍肝以蒜和作泥塗用布上貼之如乾則
再易

蕭炳云釜月中墨一名釜臍下墨
千金方治風痲者卒不能語口禁手足不

隨而強直伏龍肝五升以水八升和攪取
汁飲之

廣利方治吐血鼻衄不止伏龍肝半升以
新汲水一大升淘取汁和蜜頓服

十全博濟方治子死腹中其母氣欲絕伏
龍肝二錢七以水調下其土當見頭上戴

出
產寶方胞衣不出取竈下土一寸研碎用

好醋調令相得內於臍中續取甘草湯三
四合服之出

衍義曰伏龍肝婦人血露蠶沙一兩炒伏龍肝半兩阿膠一兩同為末溫酒調空心服二三錢以知為度本條中有東壁土陳藏器云取其東壁土久乾也今詳之南壁土亦向陽久乾也何不取蓋東壁常先得曉日烘炙日者太陽真火故治瘰癧或曰何不取午盛之時南壁上而取日初出東壁土者何也火生之時其氣壯故素問云少火之氣壯及其當午之時則壯火之氣衰故不取實用此義或曰何以知日者太陽真火以水精珠或心凹銅鑑向日射之以艾承接其光聚處火出

石灰



石灰味辛溫主疽瘍疥癬熱氣惡瘡癩疾死肌墮眉殺痔蟲去黑子息肉療髓骨疽一名

惡灰一名希灰生中山川谷

圖經曰石灰生中山川谷今所在近山處皆有之此燒青石為灰也又名石鍛有兩種風化水化風化者取鍛了石置風中自解此為有力水化者以水沃之則熱蒸而解力差劣古方多用合百草團末治金瘡殊勝今醫家或以臘月黃牛膽取汁澆和却內膽中掛之當風百日研之更勝草葉者又敗船茹灰刮取用亦同陶隱居云中山屬代郡今近山生石青白色作竈燒竟以水沃之即熱蒸而解未及性至烈人以度酒飲之則腹痛下痢療金瘡亦甚良俗名石堊古今多以結塚用捍水而辟蟲故古塚中水洗諸瘡皆即瘥唐本注云別錄及今人用療金瘡止血大效若五月五日採繁蔓葛葉鹿活草解葉芍藥地黃藥蒼耳葉青蒿葉合石灰搗為團如雞卵暴乾末以療瘡生肌大神驗日華子云味甘無毒生肌長肉止血并主白癩癩癧癩癧等瘡冷婦人粉刺痔瘻疽

瘡癩瘻疔子又治產後陰不能合濃煎汁熏洗解酒味酸令不壞治酒毒煖水藏倍勝爐灰又名鍛石

雷公云凡使用醋浸一宿澆出待乾下火鍛令腥穢氣出用瓶盛密蓋於冷拭上灰令淨用

別本注云燒青石為灰也有兩種風化水化風化為勝

禹錫云謹按蜀本云有毒墮胎。藥性論云石灰治癰疥蝕惡肉不入湯服止金瘡

血和雞子白敗船茹甚良

抱朴子內篇古大墓中多石灰汁夏月行人有瘡者見墓中清水因自洗浴瘡偶愈於是諸病者聞之悉往洗之轉有飲以治腹內疾者

丹房鏡源云石灰伏硫黃云錫上暈制雄黃制硃砂可用之

聖惠方治螻蛄咬人用石灰醋和塗之又方治大腸久積虛冷每因大便脫肛收不能入方炒石灰令熱故帛裹坐其上冷

即易之

外臺秘要元希聲侍郎治卒發癰秘驗方
石灰隨多少秘醋漿水調塗隨手即滅
肘後方治產後陰道開不閉石灰一斗熬
之令可燒草以水二斗投灰中適寒溫入
水中坐

梅師方治產後陰腫下脫腸出五門不閉
取石灰一斗熬令黃以水三斗投灰中放
冷澄清取一斗二升煖洗

孫用和方治誤吞金銀或錢在腹內石灰

一杏核大硫黃一車子大同研為末酒調
下

斗門方治刀斧傷用石灰上包定痛止血
立差

崔氏方治血痢十年方石灰三升熬令黃

以水一斗攪令清澄一服一升日三服

衍義曰石灰水調一盞如稠粥揀好糯米

粒全者半置灰中半灰外經宿灰中米色

變如水精若人手面上有黑瘡等及紋刺

先微微以針頭撥動置少許如水精者於

其上經半日許膿汁自出剔去藥不用且
不得著水三二日愈又取新硬石灰一合
以醋炒調如泥於患偏風牽口喎邪人口
唇上不患處一邊塗之立便牽正

礬石



味辛日大熱生溫熱有毒主寒熱鼠
癩蝕瘡死肌風痺腹中堅癖邪氣除熱明目

下氣除腸中熱止消渴益肝氣破積聚癰冷
腹痛去鼻中息肉久服令人筋變火鍊百日
服一刀圭不鍊服則殺人及百獸一名青分

石一名立制石一名固單石一名白礬石一
名太白石一名澤乳一名食鹽生漢中山谷
及少室採無時得火良棘針為之使惡馬目
毒公鷲屢掌細辛畏水

圖經曰礬石生漢中山谷及少室今潞州

亦有馬性大熱置水中令水不冰又堅而
拒火燒之一日夕但解散而不奪其堅市
人多取潔白石當之燒即為灰也此藥攻
擊積聚癰冷之病為良用之須真者乃佳
又有特生礬石生西域張華博物志云鶴
巢中者為真即此特生礬石也然此色難
得人多使漢中者

藥性論云礬石使鉛丹為之使味甘有小
毒主除留痛間積氣去冷風濕痺癢痒忌
羊血

陶隱居云今蜀漢亦有而好者出南康南
野溪及彭城界中洛陽城南邊常取少室
生礬石內水中令水不冰如此則生亦大
熱今以黃土泥芭炭火燒之一日一夕則
解碎可用瘰癧結為良丹方及黃白術多
用之此又湘東新寧及零陵皆有白礬石
能柔金

博物志云鶴伏卵時取礬石周圍遠卵以
煖氣方術家取鶴巢中礬石為真也

胡洽大露宿丸主寒冷百病方礬石鍊乾

薑桂心阜茨桔梗各三兩附子二兩六物
搗篩蜜丸服如梧子五九日三漸增以知
為度又有勾奴露宿丸硫黃丸並主積聚
及飲食不下心腹堅實皆用礬石近世乃
少用者

衍義曰礬石并特生礬石博物志及陶隱
居皆言此二石鶴取之以擁卵如此則是
一物也隱居又言仙經不云特生則止是
前白礬石今補注但隨文解義不見特生
之意蓋二條止是一物但以特生不特生
為異耳所謂特生者不附着他石為特耳
今用者絕少惟兩字礬石入藥然極須謹
用其毒至甚及論鶴巢中者皆無此石乃
曰鶴常入水冷故取以擁卵如此則鶴鷓
鵲鷓之類皆食於水亦自繁息生化復不
用此二石其說往往取俗士之言未嘗究
其實而窮其理也

砒霜



砒霜味苦酸而有毒主諸瘡風痰在胃腸可
作吐藥不可久服能傷人飛鍊砒黃而成造
作別有法



國經曰砒霜舊不著所出郡縣今近銅山
處亦有之惟信州者佳其塊甚有大者色
如鴉子黃明澈不雜此類本處自是難得
之物每一兩大塊真者人競珍之市之不
啻金價古服食方中亦或用之必得此類
乃可入藥其市肆所賣片如細屑亦挾土
石入藥服之為害不淺誤中解之用冷水
研棗豆漿飲之乃無他
雷公云凡使用小甕瓶子盛後入紫背天
葵石龍芮二味三件使下火鍛從已至申
使用甘草水浸從申至子出拭乾却入瓶
盛於火中鍛別研三萬下用
禹錫云謹按日華子云砒霜煖治婦人血
氣衝心痛落胎又砒黃煖亦有毒長菘豆

冷水醋治瘡疾腎氣帶辟瘴入藥以醋
煮殺毒乃用

別說云謹按今信州玉山有砒并官中封
禁甚嚴生不夾石者色赤甚如雄黃以冷
水磨解熱毒治瘰癧甚效近火即殺人圖
經所謂不啻金價者此也若今市人通貨
者即取山中夾砂石者燒煙飛作白霜乃
碎屑而芒刺其傷火多者塊大而微黃則
國經所謂如鴉子色明澈者此也古方並
不入藥唯是燒鍊丹石家用近人多以治
瘰癧然火意本以生者能解熱毒蓋瘰癧傷
暑故用今俗醫乃不究其理即以所燒霜
用服之其坑常封鎖坑中有濁綠水先絞
水盡然後下鑿取生砒謂之砒黃其色如
牛肉或有淡白路謂石非石謂土非土磨
研必吐下因此幸有安者遂為定法爾後
所損極長不可不謹也初取飛燒霜時人
在上風十餘丈外立下風所近草木皆死
又見以和飯毒鼠若猫犬食死鼠者亦死
其毒過於射罔遠矣可不察之

11011A D 16-4

聖惠方治卒中風昏憤若醉痰涎壅盛四肢不收方用砒霜如菜豆大研以新汲水調下少許用熱水投大吐即愈若未吐再服

博濟方小兒牙宣常有鮮血不止牙斷臭爛砒黃抄一錢麝香抄半錢同研細末用紙條子以生油塗之後捺藥末在上少用未翦作小片紙基子大者大小用挿在爛動處

簡要濟東方治瘡神聖丹砒霜半錢研黑豆麵一錢右件二味細研滴水丸小豆大雄黃為衣未發時空心面東新水下三九青霞子云寶藏論云砒霜若草伏住火胎色不變移溶成汁添得者點銅成銀若見質枯折者不堪用

衍義曰砒霜瘡家或用繞過劑則吐瀉兼作須濃研菜豆汁仍兼冷水飲得石腦油即伏今信州鑿坑井下取之酒飲治癬積氣有功鏡見大便有毒不可造次服也取砒之法將生砒就置火上以器覆之令砒

煙上飛著覆器遂凝結累然下垂如乳尖長者為勝平短者次之圖言大塊者其大塊者以是下等片如細屑者極下也入藥當用如乳尖長者直須詳謹

砒砂



味鹹苦辛濕有毒不宜多服主積聚破結血爛胎止痛下氣療咳嗽宿冷去惡肉生好肌柔金銀可為鐸醫藥出西戎形如牙消光淨者良驢馬藥亦用

圖經曰砒砂出西戎今西涼夏國及河東陝西近邊州郡亦有之然西戎來者顆塊光明大者有如拳重三五兩小者如指面入藥最緊邊界出者雜碎如麻豆粒又挾砂石用之須飛澄去土石訖亦無力彼人謂之氣砂此藥近出唐世而方書著古人

單服一味伏火作丸子亦有兼硫黃馬牙消葷合餌者不知方出何時殊非古法此本攻積聚之物熱而有毒多食腐壞人腸胃生用又能化人心為血固非平居可餌者

陳藏器云砒砂主婦人丈夫羸瘦積病血氣不調腸鳴食飲不消腰脚疼冷瘰癧痰飲喉中結氣反胃吐水令人能食肥健一飛為酸沙二飛為伏翼三飛為定精色如鵝兒黃和諸補藥為丸服之有暴熱飛鍊

有法亦能變鐵日華子云北庭砂味辛酸煖無毒畏一切酸補水藏煖子宮消冷癰瘕血宿食不消氣塊瘰癧及血崩帶下惡瘡息肉食肉飽脹夜多小便女人血氣心疼丈夫腰膝酸

重四肥不任凡修制用黃丹石灰作櫃鍛亦使無毒世人自疑爛肉如人被刃傷以北庭署傳定當時生痂亦名狄鹽者禹錫云謹按藥性論云砒砂有大毒畏漿水忌羊血味酸鹹能銷五金八石腐壞人

腸胃生食之化人心為血中者研生菜豆汁飲一二升解之道門中有伏鍊法能除冷病大益陽事

蕭炳云硃砂使生不宜多服光淨者良今生北庭為上

外臺秘要救急治魚骨鯁在喉中以少硃砂口中咀嚼咽之立下

經驗方硃砂九方硃砂不計多少用罐子內著硃砂上面更坐罐子一箇用紙筋白土和上下俱溼了窖乾後從辰初時便用

蒼耳自在落下葉將來搗羅為末藥上鋪頭蓋底上面罐子內用水坐著水旋添火燒從罐子外五寸已來圍燒欲盡更添火移向前罐子周圍火盡更旋燒促向前計一伏時為度更不移火即閉雜人及婦人不得見一伏時住取來搗羅為末醋麵糊為丸如桐子大每服逐日十九至十五丸溫酒或米飲下並無忌若燒喫三二斤進食無病
陳異方治元藏虛冷氣攻劑腹痛硃砂

一兩川烏頭生去皮劑杆為末一二兩硃砂生研用鐵霞草木二兩與硃砂同研勻

用一小砂罐子不固濟慢火燒候罐熱將拌了者硃砂入罐子內不蓋口燒炭火一秤候火盡爐寒取出研與烏頭生同研勻

湯浸蒸餅丸如桐子大每服三九或木香湯醋湯任下

青霞子云寶藏論硃砂若草伏住火不碎可轉制得諸石藥并引諸藥可治婦人久冷硃砂為五金賊也若石藥并灰靈伏得

不堪用也
太清服鍊靈砂法北庭砂所稟陰石之氣性合陽毒之精功能消敗去穢益陽

丹房鏡源云硃砂性有大毒或沉冷之疾可服則愈久服有癰腫出北庭白黃者訣曰為之金賊能制合群藥藥中之使自制雄雌黃
衍義曰硃砂金銀有偽投錄窩中其偽物盡消散矧人腹中有久積故可潰腐也合他藥治目中睛用之須水飛過入竟器中

於重湯中煮其器使自乾殺其毒及去其塵穢

氣味辛微寒主吐逆胃及驚癇疾除熱下氣止小便利除毒熱臍疔金瘡溢血鍊化還成九光久服通神明一名鉛華生於鉛生蜀郡平澤

圖經曰文具鉛錫條下

陶隱居云即今熬鉛所作黃丹也畫用者俗方亦稀用惟仙經塗丹釜所須云化成九光者當謂九光丹以為釜爾無別變鍊法

日華子云涼無毒鎮心安神療反胃止吐血及軟傳金瘡長肉及湯火瘡染髮可煎膏

禹錫云謹按藥性論云鉛丹君主治驚悸狂走嘔逆煩渴煎膏用止痛生肌
今注云此即今黃丹也與粉錫二物俱是化鉛為之按李含先音義云黃丹胡粉皆化鉛未聞用錫者故參同契云若胡粉投炭中色壞還隱鉛抱朴子內篇云愚人乃

不信黃丹及胡粉是化鉛所作今唐注以二物俱炒錫大誤矣
肘後方客忤中惡之類多於道間門外得之令人心腹疼痛脹滿氣衝心胃不即治亦害人救之方真丹方寸匕蜜三合和服之口噤者拚齒灌

經驗方碧霞丹治吐逆立效北來黃丹四兩篩過用好米醋半斤同藥入鉢內煎令乾却用炭火三稱就鉢內鍛透紅冷取研細為末用粟米飯丸如梧子大煎醇湯下七丸不嚼只一服

王氏博濟方治風癩驅風散鉛丹二兩白礬二兩為末用執相闔以紙鋪執上先以丹鋪紙上次以礬鋪丹上然後用紙掩却將十斤柳木柴燒過為度取出細研每服一錢溫酒下

劉氏方治小兒瘡方黃丹兩錢匕以蜜水和與服冷即以酒和令服之良
治瘡方百草霜黃丹等分細研每服二錢匕於發日空心米飲調服不過兩服愈

衍義曰鉛丹本謂之黃丹化鉛而成列有法唐本注炒錫作然經稱鉛丹則炒錫之說誤矣亦不為難辨蓋錫則色黯暗鉛則明白以此為異治瘡及久積皆用



味甘無毒鎮心安神治傷寒毒氣及胃嘔噦蛇蟻所咬灸熨之

圖經曰鉛生蜀郡平澤錫生桂楊山谷今有銀坑處皆有之而臨賀出錫尤盛亦謂之白鑲鉛丹黃丹也粉錫胡粉也二物並是化鉛所作故附於鉛鏡雖銅而皆用錫雜之乃能明白故鏡鼻附於錫謹按字書謂錫為鑲鉛為青金雖相似而入用殊別也又有鉛霜亦出於鉛其法以鉛雜水銀十五分之一合鍊作片置錯笈中密封經

久成霜亦謂之鉛白霜性極冷入治風痰及嬰孺驚帶藥令之醫家用之尤多
經驗方治發背及諸般癰毒瘡黑鉛一片甘草三兩微炙剉用酒一斗著空瓶在傍先以甘草置在酒瓶內然後鎔鉛投在酒

瓶中却出酒在空瓶內取出鉛依前鎔後投如此者九度并甘草去之只留酒令病者飲醉寢即愈

勝金方烏髮鬚明目牢齒牙黑鉛半斤大鍋內鎔成汁旋入桑條灰柳木攪令成沙

石以熟絹羅為末每日早晨揩齒後用溫水漱在盂內取用其水洗眼治諸般眼疾

髮黃白者用之皆變黑

青霞子云寶藏論云黑鉛草伏得成實可點銅為銀并鑄作烏養朱砂住得火養水

銀住火斷粉霜住火

錫



錫味辛寒無毒主伏尸毒螫殺三蟲去
鼈瘻瘰癧瘡墮胎止小便利一名解錫

圖經曰文具鉛條下

陶隱居云即今化鉛所作胡粉也其有金
色者瘵尸蟲甚良而謂之粉錫事與經乖
唐本注云鉛丹胡粉實用錫造陶今言化
鉛作之經云粉錫亦為深誤矣

陳藏器云胡粉本功外主久痢成疳和水
及雞子白服以糞黑為度為其殺蟲而止
痢也

日華子云光粉涼無毒治癰腫癩爛嘔逆
療癰瘕小兒疳氣

今注按本經呼為粉錫然其實鉛粉也故
英公序云鉛錫莫辨者蓋謂此也

禹錫云按藥性論云胡粉使又名定粉味
甘辛無毒能治積聚不消焦炒止小兒疳
痢
外臺秘要誤吞錢并金銀物以胡粉一兩

搗調之分再服食水銀金如吞金銀物在
腹中服之令消洋出之

千金方治瘡中水胡粉炭灰白等分脂和
塗孔上水即止

肘後方治為病新起早勞食飲多致復欲
死方水服胡粉少許傷寒類要同

張文仲方治反胃吐逆內陰下恒濕且臭
或作瘡但以胡粉一分粉之即差常用大
驗。又方治寸白蟲蒸胡粉令速燥平旦
作肉臠以藥方寸七內臠中服之有大效

。又方小兒甘瘡胡粉熬八分猪脂和塗
之差為度油亦得

子母秘錄小兒夜啼胡粉服水調三豆大
日三服


衍義曰粉錫胡粉也又名定粉止泄痢積
聚久痢

平微毒治婦人血氣心痛合金瘡止血
明目去膚赤息肉生銅皆有青則銅之精

華銅器上綠色是北庭晉者最佳治目時洩
洗用

陳藏器云陶玉青銅不入方用按青銅明
目去膚赤合金瘡止血入水不爛今瘡青
黑生熱銅皆有青即是銅之精華大者即
空綠以次空青也銅青獨在銅器上綠色
者是

代赭



青銅味苦甘寒無毒主鬼疰賊風蠱毒殺精
物惡鬼腹中毒邪氣女子赤沃漏下帶下百
病產難胞衣不出墮胎養血氣除五臟血脉
中熱血痺血瘀大人小兒驚氣入腹及陰痿

不起一名須丸出姑蘇著名須丸一名血師生齊國山谷赤紅青色如雞冠有澤深小甲不渝者良採無時畏天雄

圖經曰代諸生齊國山谷今河東京東山中亦有之以赤紅赤色如雞冠有澤深小

甲不渝者良實五古方洙九治小兒用代赭云無真者以左顧牡礪代使乃知真者難得今醫家所用多擇取大塊其上文頭如浮漚下者為勝謂之丁頭代赭採無時次條又有白望生邯鄲山谷即畫家所用者多

而且賤一名白善土胡居士云始興小桂縣鄉有白善俗方稀用今處處皆有人家往往用以浣衣山海經西山經石郟之其陰灌水出焉而北流于愚水其中有流赭以塗牛馬無病郭璞注云赭

陶隱居云舊說云是代郡城門下土江東九絕項魏國所獻猶是彼間赤土爾非復真物此於俗用乃踈而為仙方之要并與戎鹽鹵鹹皆是急須
唐本注云此石多從代州來云山中採得

非城門下土又言生齊地山谷今齊州亭山出赤石其色有赤紅青者其赤者亦如雞冠且潤澤土人惟採以丹楹柱而紫色且暗此物與代州出者相似古來用之今靈州鳴沙縣界河北平地掘深五尺得者

皮上赤滑中紫如雞肝大勝齊代者赤土也今人以朱塗牛角云以辟惡又云大次之山其陽多望又北山經天池之山其中多黃望又中山經蔥嶺之山其中有大谷多白黑青黃望注云言有雜色之望也然則赭以西土者為貴望有五色入藥惟白者取

日華子云代赭畏附子止吐血鼻衄腸風痔瘻月經不止小兒驚癇疳疾反胃止瀉痢脫精尿血遺溺金瘡長肉安胎建脾又治夜多小便

禹錫云謹按藥性論云代赭使厲門城土乾薑為使味甘平主治女子崩中淋瀝不止療生子不落味温服之辟鬼魅
蕭炳云代赭臣

斗門方治小腸氣用血師一兩米醋一升以火燒血師通赤滓入醋中以滓竭為度搗羅如麵用湯調下一大錢即差如神矣血師即代赭也

石驚



石驚以水煮汁飲之主淋有效婦人難產兩手各把一枚立驗出零陵

圖經曰石驚出零陵郡今永州祁陽縣江傍沙灘上有之形似蚶而小其實石也或云生山洞中因雷雨則飛出墮於沙上而化為石未審的否令人催生令產婦兩手各握一枚須臾子則下
唐本注云俗云因雷雨則從石穴中出隨雨飛墮者妄也永州祁陽縣西北百一十五里土岡上掘深丈餘取之形似蚶而小

堅重如石也

陳藏器云石鶻主消渴取水牛鼻和者飲之自死者鼻不如落崖死者良唐本先附日華子云石鶻涼無毒出南土穴中凝蓋似石者佳

禹錫云謹按蜀本作蝻注云爾雅云螺小者蝻音

禹錫等謹按蕭炳云別有乳洞中食乳有命者亦名石鶻似蝙蝠口方生氣物也

食療云在乳穴石洞中者冬月採之堪食餘月採者只堪治病不堪食也又治法取石鶻一十枚和五味炒令熟以酒一斗浸三日即每夜卧時飲一兩蓋隨性也甚能補益進飲食令人健力

聖惠方治傷寒小腹痛滿小便不通用石鶻搗羅為末不計時候葱白湯調半錢得通為度

簡要濟東方治淋疾石鶻子七箇搗如黍米粒大新桑根白皮三兩剉如豆粒同伴令勻分作七貼用水一盞煎一貼取半盞

去津温服空心午前至夜各一服

衍義曰石鶻今人用者如蜺蛤之狀色如土堅重則石也既無羽翼焉能自石穴中飛出何故只墮沙灘上此說近妄唐本注永州土岡上掘深丈餘取之形似蚌而小重如石則此自是二物餘說不可取治虛積藥中多用

主蠱毒中惡血暈吐血以酒或水細研温服之亦塗金瘡生肌止血瘡在面切勿塗之黑入肉如印此錯下墨是也

禹錫云謹按蜀本云錯墨無毒東醫主下部瘡脫肛陶隱居云此屋之東壁上土爾當取東壁之東邊謂當先見日光刮取用之亦療小兒風臍又可除油污衣勝石及滑石

日華子云東壁土温無毒亦銅屑以醋和如麥飯菜盛先刺腋下脉去血封之攻腋臭神效又熬使極熱投酒中服五合日三主賊風反折又燒赤銅五斤内酒二斗中百遍服同前主賊風甚驗

禹錫云謹按日華子云銅屑味苦平微毒明目治風眼接骨錐齒療女人血氣及心痛

陶隱居云此物與胡粉異類而今共條當以其非止成一藥故云附見錫品中也古無純銅作鏡者皆用錫雜之別錄用銅鏡鼻即是今破古銅鏡鼻爾用之當燒令赤内酒中飲之若置醴中出入百過亦可持也鉛與錫本經云生桂陽今則乃出臨賀猶是分桂陽所置鉛與錫相似而入用大異

禹錫云謹按日華子云銅屑味苦平微毒明目治風眼接骨錐齒療女人血氣及心痛

閉癥瘕伏腸絕孕及伏尸邪氣生桂陽山谷

陶隱居云此物與胡粉異類而今共條當以其非止成一藥故云附見錫品中也古無純銅作鏡者皆用錫雜之別錄用銅鏡鼻即是今破古銅鏡鼻爾用之當燒令赤内酒中飲之若置醴中出入百過亦可持也鉛與錫本經云生桂陽今則乃出臨賀猶是分桂陽所置鉛與錫相似而入用大異

日華子云古鑑平微至冷治湯火燒瘡用之

千金方蝎蟄人以井底泥塗傅之温則易之

味鹹寒無毒主明目痛益氣緊肌骨去毒益心腹痛瀉血吐血齒舌血出一名胡鹽生胡鹽山及西羌北地酒泉福祿城東南

鹽生胡鹽山及西羌北地酒泉福祿城東南

角北海青南海赤十月採

陶隱居云今俗中不復見鹵鹹惟魏國所

獻虜鹽即是河東大鹽形如結水圍強味

鹹苦

日華子云戎鹽平助水藏益精氣除五臟

癥結心腹積聚痛瘡疥癬等即西蕃所出

衍義曰戎鹽成塊裁之如梳細白味甘鹹

亦功在却血入腎治目中瘀赤澀昏

鹵味甘鹹寒無毒主腸胃結熱喘逆胃中

病令人吐生邯鄲及河東池澤漏蘆為之使

禹錫云按蕭炳云大鹽臣

衍義曰大鹽新者不苦久則鹹苦今解州

鹽池所出者皆成餅子其形大小不等久

亦苦海水煎成者但味和二鹽互有得失

入藥及金銀作多用大鹽及解鹽傍海之

人多黑色蓋日食魚鹽此走血之驗也齒

縫中血出鹽湯漱之及接藥入腎北虜以

鹽淹尸使不腐

鹵味苦鹹寒無毒主大熱消渴狂煩除邪

及下蠱毒赤肌膚去五臟腸胃留熱結氣心

下堅食已嘔逆喘滿明目目痛生河東鹽池

陶隱居云是煎鹽釜下凝滓

唐本注云鹵鹹既生河東河東鹽不釜煎

明非凝滓此是鹵土名鹵鹹今人熟皮用

之

水味甘酸微溫無毒主調中引氣宣和強

力通關開胃止渴霍亂泄痢消宿食宜作粥

薄暮啜之解煩去睡調理腑臟粟米新熟白

花者佳煎令醋止嘔噦白人膚體如繒帛為

其常用故人不齒其功冰漿至冷婦人懷妊

不可食之食譜所忌也

衍義曰漿水不可同李實飲令人霍亂吐

利

汁味甘平無毒主人九竅大驚出血以

水噴面亦主口臭正朝含之吐弃廁下數度

即差又令好顏色和朱砂服之又堪鍊諸藥

石投酒醋令不腐洗目膚腎及酒後熱痢與

諸水有異其功極廣此水并中平且第一汲

者本經注并首條中略言之今此重細解也

漸

水味甘溫無毒除風補衰久服不老令

人好顏色肥健益陽道溫中去痲疾出南陽

鄭縣北潭水其源悉芳菊生被崖水為菊味

盛洪之荆州記云鄭縣菊水太尉胡廣久患

風羸常飲此水後疾遂瘳此菊甘美廣後收

此菊實播之京師處處傳植抱朴子云南陽

鄭縣山中有甘谷水所以甘者谷上左右皆

生甘菊菊花墜其中歷世彌久故水味為變

其臨此谷中居民皆不穿井悉食甘谷水食

無不壽考故司空王暢太尉劉寬太傅索隱

皆為南陽太守每到官常使鄭縣月送甘谷

水四十斛以為飲食此諸公多患風痺及眩

冒皆得愈

衍義曰菊花水本條言南陽鄭縣北潭水

其源悉芳菊生被崖水為菊味此甚怪且

菊生於浮土上根深者不過尺百花之中

此特淺露水泉莫非深遠而來況菊根亦

無香其花當九月十月間止三兩旬中焉

得香入水也若因花而香其無花之月合

如何也殊不詳水自有甘淡鹹苦焉知無

有菊味者宜細詳之

寒主解中毒煩悶

陶隱居云此掘地作坎以水沃其中攪令濁俄頃取之以解中諸毒山中有毒菌人不識煮食之無不死又楓樹菌食之令人

笑不止唯飲土漿皆差餘藥不能救矣

龍露味甘冷無毒解一切毒治天行時氣溫

疫小兒熱癩狂啼大人丹石發動酒後暴熱

黃疸仍小温服之藏淹一切果實良春雪有

蟲水亦便敗所以不堪救之新補見陳藏器及日華子

泉味甘平無毒主消渴反胃熱痢熱淋小便赤澀兼洗漆瘡射癰腫令散久服却温調

中下熱氣利小便並多飲之又新汲水百一

方云患心腹冷病者若男子病令女人以一杯與飲女子病令男子以一杯與飲又解合

口椒毒又主食魚肉為骨所酸取一杯水合

口向水張口取水氣體當自下又主人忽被

墜損腸出以冷水噴之令身噤腸自入也又

臘日夜令人持椒并傍無與人語內椒井中

服此水去温氣博物志云凡諸飲水瘵疾皆

取新汲清泉不用停汗濁煖非直無效固亦損人新補

半天河微寒主鬼疰狂邪氣惡毒

陶隱居云此竹籬頭水也及空樹中水皆可飲并洗諸瘡用之

衍義曰半天河水一水也然用水之義有數種種各有理如半天河水在上天澤水也故治心病鬼疰狂邪氣惡毒

湯主忤死先以衣三種籍忤死人腹上乃取銅器若瓦器盛湯著衣上湯冷者去衣大

冷者換湯即愈又霍亂手足轉筋以銅器若瓦器盛湯慰之亦可令踏器使脚底熱徹亦

可以湯捋之冷則易用醋煮湯更良者蒙子及吳茱萸汁亦好以綿絮及破繆角脚以湯

淋之貴在熱徹又綠絲湯無毒主蛔蟲熱取一盞服之此煮蘭汁為其殺蟲故也又燂猪

湯無毒主產後血刺心痛欲死取一盞温服之新補見北子陳藏器

衍義曰熱湯助陽氣行經絡患風冷氣痺人多以湯滌脚至膝上厚覆使汗出周身

然列有藥亦終假湯氣而行也四時暴泄

利四肢冷臍腹痛深湯中坐浸至腹上頻

頻作生陽佐藥無迷於此虛寒人始坐湯

中必戰仍常令人伺守之

圖經衍義本草卷之五

三五

三六